

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.3. De ejusdem Salvatoris nostri, inter amara passionis suæ, incredibili
suavitate.

[urn:nbn:de:hbz:466:1-47123](#)

272 *Pars III. Interior anima occupatio
natione & præsertim in passione contigit) ibi pietas magne-
nituit, ibi charitas plus effulgit, ibi amplius gratia radavit.
Hæc de secundo.*

§. 3.

*De ejusdem Salvatoris nostri, inter amarum passionis sua,
incredibili suavitate.*

Porrò si suavitas quæritur, si dulcedo spiritus, si sancta
moris blanditiae, audeo dicere, nuspam Dominum Iesum Christum, quām in ipsa cruce, in eo tormentorum horrore, in ea tanta tamq; incredibili passionis suæ ac mortis amaritudine, amantium sensibus dulciorem ac blandiorem esse. Pulchrè siquidem S. Augustinus, in illa verba Psalmi 117. *Circumdederunt me sicut apes favum* (nam postremam vocem addit ex græca versione) de hoc ipso differens, ita loquitur: *Nescientes persecutores, fecerunt eum nobis ipsa pa-
tione dulciorem, ut gustemus & videamus, quām suavis est Do-
minus, qui mortuus est propter delicta nostra, & resurrexit pro-
pter justificationem nostram.*

Sanctus porrò Bernardus sermone quodam in Cantica, serm: 61. in cùm illa S. Augustino paria dixisset: *Per has rimas (hoc est, per aperta Salvatoris vulnera) licet mibi sugere mel de petra, oleumq; de saxo durissimo;* id est, gustare & videre, quoniam suavis est Dominus. Et ista: *Patet arcanum cordis perfora-
mina corporis; patet magnum illud pietatis Sacramentum; pa-
tent viscera misericordie.* D E I, in quibus visitavit nos orientes ex alto. Tum verò subjungit, quod præsertim huc pertinet: *Quidni viscera per vulnera pateant? in quo enim clarus, quām in vulneribus tuis eluxisset, quod tu Domine, suavia & mitia es, & multæ misericordie?* Rursum autem Christum crucifixum, cum eo quem fese demonstratus est in gloria, quodammodo comparans: *sublimis, inquit, in Regno, sed suavior in
cruce.* Quod non ita dictum putabimus, quasi etiam in re-

gno

gno, atque ibi in primis, suavissimus non sit: alioqui enim unde illa Sanctorum ebrietas ab ubertate Domus DEI? unde illi dulcissimi sensus, aeternaq; gaudia? unde illi torrentes voluptatis? Verumtamen Christo, in regno sedenti sublimitatem, in cruce pendenti suavitatem attribuit: quod animæ in terra peregrinanti, & sub crucis umbra requiescenti, nescio quomodo dulcius sapiat sponsus suus, in illo florido amoris lectulo extensus. Nam illa dulcedo coelestis fluminis, cuius impetus inundat & latificat civitatem D 21, longè omnino ab illa est, & non nisi paucas illius stillas delibat in hac solitudine: ut sanè regnantis in cœlo sponsi sublimitatem agnoscat, vix sentiat suavitatem. At in cruce pendens vir ille dolorum, tametsi fructus est terræ sublimis, & profunda crucis humilitas mentes etiam angelicas ipsa mysterij excelsum transcedit: per illa tamen de honestamenta, & passionis ignominiam, obumbrari videtur atque occultari sublimitas, & sola apparere & allucere suavitas. Sic igitur ex S. Bernardi sensu, hic pallor præ illo splendore magis attemperatur nostris sensibus; terret ille, hic mulcet; & regni majestas sublimitatem habet, crucis humilitas suavitatem.

Sed resistamus in his paululum: & quando suavitatem ac blanditiâ adeò ducimur, Crucifixi dulitudinem, quâ ad sui amorem nos inescat, otiosius regustemus. Hic enim si uspiam, dulcis ille sponsus animarum nostrarum amat nobis facere delicias, attendens per retia carnis, & amorem nostrum quodammodo e blandiens, ut ipsius desiderio inflammati, curramus in odorem ejus. En ipse stat post partem nostrum; luteam, inquam, carnis nostræ maceriam: ut enim eleganter S. Augustinus: edificavit sibi humilem domum de limo nostro, per quam subdendos deprimere a se ipsis, i. 7. Conf. 6 fanans tumorem, & nutriendis amorem. Inde nobis velut disimulante, sed oppidò dulciter blanditur, respiciens per fo-

Cant. 2.

l. 7. Conf. 6
18.

M. 2

nebras 9

nestras, prospiciens per cancellos; hoc est, per vulnera, perturas & sulcos verberum, quibus jam fenestrata appareat, & velut cancellatim dissecta, sacratissima ejus humanitas. Ista enim sunt dulces transennæ, ista arcana reticula, per quæ quodammodo ex occulto prospiciens amor tuus, o bone Jesus, satis tamen eminens ac se prodens amabilibus insidijs, furtivis blanditijs corda nostra prædatur. O felices plagas! amabilia retia! quibus utinam sic capiatur & irritiatur cor meum, ut jam inde sese extricare nequeat, incitatâ libidine perniciose libertatis.

Ecce jam à terra exaltatus es, Domine Jesus; jam in summo sphæræ tuæ vertice, in fervore diei, in amoris meridie constitutus. Trahe me ad te ipsum, ex verbo tuo; & inter tot corda te amantium, quæ de trophæo crucis tuæ religata dependent, cor istud misellum, de luto sublatum, & à terra avulsum, tuis deniq; militaturū amoribus, tuis ignibus arsurum, suspende. Ut enim piè ac dulciter quidamator tuus: si ejusmodi cor haberem, ut majus esset quam omnia corda filiorum hominum, atq; in se uno Angelorum omnium amores ardorēsq; complecteretur; illud tibi integrè tribuere deberem; essetq; munus exile & quasi nihilom, præ dignitatis ac bonitatis tuæ magnitudine: quanto magis P.z. stim.c.3. ergo illam parvam scintillam cordis quam habeo, tibi dabo, & totaliter in te ponam? Ita Seraphicus Bonaventura.

C A P U T VIII.

Ad amorem JESU Christi crucifixi parænetica invitatio.

IStis porrò in universum de Jesus crucifixi amabilitate propositis, descendendum nobis est ad particularia ejus amoris exercitia: quod quidem deinceps facturi sumus, si tamen